




ԸՆԴՈՒՆԵԼՈՒԹՅՈՒՆՆԵՐ ՄԱՅՐ ԱԹՈՌՈՒՄ

ԳԱՐԵԳԻՆ Բ ՎԵՏԱՓԱՍՏԱՅԻՆ ՀԱՅՐԱՊԵՏՆ ԸՆԴՈՒՆԵՑ ՀԱՅԱՍՏԱՆՈՒՄ ՌՈՒՄԻՆԻԱՅԻ ՀԱՆՐԱՊԵՏՈՒԹՅԱՆ ԴԵՍՊԱՆ ՆԻԿՈԼԱՍ ԻՈՐԴԱԿԵՆՆ

Փետրվարի 4-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Հայաստանում Ռումինիայի Հանրապետության նորանշանակ դեսպան Նիկոլան Իորդակենին:

Ողջունելով դեսպանին՝ Վեհափառ Հայրապետն ուրախությամբ նշեց, որ երկու երկրների և Եկեղեցիների միջև առկա են բարեկամական կապեր՝ վստահություն հայարնելով, որ նորանշանակ դեսպանը ևս կնպաստի այդ կապերի զորացմանը:

«Ես ներկայացնում եմ Ռումինիայի Հանրապետությունը, սակայն հնարավոր չէ պետությունից անջատ քննել Եկեղեցին, քանզի ինչպես Հայ, այնպես էլ Ռումին Եկեղեցին դարձրել են նաև առաջնորդը իրենց ժողովրդի», - ասաց պրն Իորդակենն՝ Նորին Սրբությանը փոխանցելով Ռումին Օրթոդոքս Եկեղեցու Հովվապետ Թեոկրիստ Պարիսարիի ջերմ ողջույնները:

Հանդիպման ընթացքում խոսվեց երկու Եկեղեցիների և ժողովուրդների միջև առկա եղբայրական հարաբերությունների մասին, որի ընթացքում Նորին Սրբությունն անդրադարձավ իր գահակալության առաջին փարոմ Ռումինիա կատարած Հովվապետական այցին, որի ժամանակ հանդիպում է ունեցել նաև Թեոկրիստ Պարիսարիի հետ:

ԳԱՐԵԳԻՆ Բ ՎԵՆԱՓԱՌ ՀԱՅՐԱՊԵՏՆ ԸՆԴՈՒՆԵՑ ՀԱՅԱՍՏԱՆՈՒՄ ԼԵՀԱՍՏԱՆԻ ՀԱՆՐԱՊԵՏՈՒԹՅԱՆ ԴԵՍՊԱՆ ՎԻԿՏՈՐ ՌՈՍՍԻՆ

Փետրվարի 4-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց Հայաստանում Լեհաստանի Հանրապետության նորանշանակ դեսպան Վիկտոր Ռոսսին:

Զրույցի ընթացքում Նորին Սրբությունն ու պրն Ռոսսն անդրադարձան հայ-լեհական պարմական կապերին: Պրն դեսպանը մասնավորապես նշեց այն մեծ ներդրումը, որ 14-րդ դարից ի վեր ունեցել է լեհահայ համայնքն իր երկրի մշակույթի զարգացման գործում: Վեհափառ Հայրապետն իր հերթին ուրախություն հայտնեց Հայաստանում Լեհաստանի դեսպանատան հաստատման առնչությամբ և վստահություն հայտնեց, որ երկու երկրների միջև ամրապնդվող դիվանագիտական հարաբերությունները նպաստելու են երկու երկրների և ժողովուրդների բարեկամության զորացմանը:

Հանդիպման ընթացքում խոսվեց նաև վերջին տարիներին բազմաթիվ հայերի Լեհաստան ներգաղթի, ինչպես նաև նրանց հոգևոր կյանքի կազմակերպմանն առնչվող խնդիրների մասին: Այս առիթով Վեհափառ Հայրապետը գոհունակությամբ նշեց, որ Վարշավայի համալսարանում աստվածաբանություն է ուսանում Մայր Աթոռ Ս. Էջմիածնի միաբան Տ. Դանիել արեղա Թումանյանը:

Հանդիպման ավարտին Վեհափառ Հայրապետն արգաստերն աշխատանք մաղթեց նորանշանակ դեսպանին՝ ի շահ երկու երկրների և ժողովուրդների բարօրության:

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՎԼԱԴԻՄԻՐ ՊՐՅԱԽԻՆԻՆ

Փետրվարի 5-ին Ն.Ս.Օ.Տ.Տ. Գարեգին Բ Ամենայն հայոց Կաթողիկոսն ընդունեց ԵԱՀԿ Երևանի գրասենյակի նորանշանակ ղեկավար դոկտ. Վլադիմիր Պրյախինին:

Վեհափառ Հայրապետը, ողջունելով պրն Պրյախինի անդրանիկ այցը Մայր Աթոռ Ս. Էջմիածին, բարձր գնահատեց ԵԱՀԿ դերը Հայաստանում ժողովրդավարության զարգացման ու առաջընթացի գործում:

Հանդիպման ընթացքում Նորին Սրբությունն ու պրն Պրյախինն անդրադարձան Հայաստանում խղճի ազատության և կրոնական կազմակերպություններին վերաբերող հարցերի: Նորին Սրբությունը որոշ մտաբեկություն հայտնեց Հայաստան ներթափանցած տարբեր կրոնական կազմակերպությունների կողմից օրենքի ոտնահարման առնչությամբ, երբ նյութական զանազան միջոցներով փորձ է արվում հեռացնել ժողովրդին Մայր Եկեղեցուց և ճշմարիտ հավաքից:

Զրույցի ընթացքում անդրադարձ եղավ նաև Եկեղեցի-պետություն հարաբերություններին, ինչպես նաև հոգևոր դաստիարակությանն առնչվող խնդիրներին:

Հանդիպման ավարտին Նորին Սրբությունն արգասաբեր գործունեություն մատթեց պրն Պրյախինին՝ վստահությամբ, որ այն ծառայելու է հասարակական կյանքի խաղաղ առաջընթացին:

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՅ ՌՈՍՏՈՎԻ ՆԱՀԱՆԳԱԴԵՏԻ ԳԼԽԱՎՈՐԱԾ ՊԱՏՎԻՐԱԿՈՒԹՅԱՆԸ

Փետրվարի 11-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Ռուսաստանի Դաշնության Ռոստովի մարզի նահանգապետ Կլադիմիր Չուբի գլխավորած պատվիրակությանը:

Ողջունելով հյուրերին՝ Նորին Սրբությունն ուրախություն հայտնեց հայ-ռուսական եղբայրական ջերմ հարաբերությունների համար և գոհունակությամբ նշեց ռուսաստանաբնակ հայերի նկատմամբ իշխանությունների հոգաբար վերաբերմունքը: Այս առիթով Վեհափառ Հայրապետն իր մասնավոր երախտագիտությունը հայտնեց նահանգապետին՝ Ռոստովի հայոց Ս. Խաչ եկեղեցին հայ համայնքին վերադարձնելու առնչությամբ՝ այն համոզմամբ, որ հոգևոր կյանքի զորացումով ժողովրդահայերն առավել արդյունավետ կկարողանան իրենց ծառայությունը բերել երկրին: Մարնանշելով Եկեղեցի-պետություն բարի հարաբերությունները՝ Վեհափառ Հայրապետը ողջունեց ռուս հոգևորականի՝ Ռոստովի և Նովոչերկասկի արքեպիսկոպոս Պանդելեիմոնի ներկայությունը պատվիրակության կազմում:

Պրն Չուբը շնորհակալություն հայտնեց ընդունելության համար: Նահանգապետը կարևորեց ռուսահայ համայնքի ներդրումը նահանգի զարգացման գործին՝ նշելով, որ այս պարի փոնախմբվելու է հայերի՝ Ռոստովում հաստատման 225-ամյակը:

Հանդիպման ընթացքում Վեհափառ Հայրապետը հյուրերին հայտնեց նաև իր ցավակցությունը՝ վերջերս Մոսկվայի մեթոդյում կատարված ահաբեկչության համար:

Հանդիպմանը ներկա էր Ռուսաստանի և Նոր Նախիջևանի հայոց թեմի առաջնորդ Տ. Եզրաս եպիսկոպոս Ներսիսյանը:

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՅ ԻՐԱՆԻ ԻՍԼԱՄԱԿԱՆ ՀԱՆՐԱՊԵՏՈՒԹՅԱՆ ՏԵՂԵԿԱՏՎՈՒԹՅԱՆ ՆԱԽԱՐԱՐԻՆ

Փետրվարի 26-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Իրանի Իսլամական Հանրապետության տեղեկավարության նախարար Ալի Յունեսիին և նրա գլխավորած պատվիրակությանը:

Հանդիպման ընթացքում խոսվեց երկու հարևան երկրների պայմանական ու մշակութային կապերի, երկու ժողովուրդների բարեկամության մասին:

Վեհափառ Հայրապետն իր ուրախությունն արտահայտեց հայ-իրանական բարեկամական հարաբերությունների ընդլայնման առիթով և իր երախտագիտությունը հայտնեց Իրանի իշխանություններին այն հոգաբար վերաբերմունքի համար, որ փաժուժ են հայ համայնքի հանդեպ: Մասնավորապես նշվեց, որ իրանահայերը լինելով երկրի լիիրավ քաղաքացիներ՝ ազատորեն կարողանում են պահպանել նաև իրենց ազգային-կրոնական ավանդույթները:

Վեհափառ Հայրապետն ու իրանցի հյուրը ժողովուրդների բարեկամության ամրապնդման կարևոր ազդակ նկատեցին կրոնների միջև երկխոսությունը: Այս առիթով Ալի Յունեսին նշեց, որ Վեհափառ Հայրապետն իր ներկայությամբ կարևոր ներդրում կարող է ունենալ արդեն մի քանի տարի առաջ Իրանում սկիզբ առած նմանատիպ երկխոսությանը:

Հանդիպման ավարտին Ալի Յունեսին շնորհակալություն հայտնեց ընդունելության համար՝ նշելով, որ մեծապես փառաբանված է հնամենի Ս. Էջմիածնով: Հյուրերը եղան նաև Մայր Աթոռի թանգարանում:

Պարվիրակությանը Մայր Աթոռ Ս. Էջմիածին ուղեկցում էին երկու երկրների դեսպաններն ու Ազգային անվտանգության ծառայության փնտրեն Կառուս Պետրոսյանը:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԸՆԴՈՒՆԵՑ ՇԱԽՄԱՏԻ ԱՇԽԱՐՀԻ 10-ՐԴ ՉԵՄՊԻՈՆ ԲՈՐԻՍ ՍՊԱՍՍԿՈՒՆ

Մարտի 7-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց շախմատի աշխարհի 10-րդ չեմպիոն Բորիս Սպասկուն:

Ողջունելով պարվավոր հյուրի այցը Մայր Աթոռ՝ Վեհափառ Հայրապետն իր գնահատանքն ու բարեմաղթանքները ուղղեց նրան: Հանդիպման ընթացքում խոսվեց Հայաստան և Արցախ նրա այցելության, ինչպես նաև շախմատի ներկայիս խնդիրների մասին:

Հանդիպմանը ներկա էին Կոտայքի թեմի առաջնորդ Տ. Առաքել եպս. Քարամյանը, ՀՀ շախմատի ֆեդերացիայի նախագահ Վանիկ Զաքարյանը, Հայաստանի շախմատի ակադեմիայի հիմնադիր Սմբատ Լալույդյանը և ուրիշներ:

ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԸՆԴՈՒՆԵՑ ՎՐԱՍՏԱՆԻ ԴԵՄՊԼՆԻՆ

Մարտի 9-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Մայր Աթոռ Սուրբ Էջմիածնում ընդունեց Հայաստանում իր դիվանագիտական առաքելությունն ավարտած Վրաստանի արտակարգ և լիազոր դեսպան Նիկոլոզ Նիկոլոզիշվիլուն:

Վեհափառ Հայրապետը բարձր գնահատեց դեսպանի աշխատանքը Հայաստանում, նրա բերած ավանդը հայ-վրացական բարեկամության ամրապնդման գործին, ինչպես նաև դեսպանի ջանքերն առաջնորդումը հանդեպ Հայ Առաքելական Սուրբ Եկեղեցին:

Շնորհակալություն հայտնելով ընդունելության համար՝ Ն. Նիկողոզիշվիլին վարահեց-
րեց, որ այսուհետև ևս կշարունակի իր նպաստը բերել երկու ժողովուրդների եղբայրական
կապերի գորացմանը:

Հրաժեշտից առաջ Նորին Սրբությունն իր բարեմաղթանքը հայտնեց դեսպանին՝ մաղ-
թելով նորանոր հաջողություններ հետագա առաքելության մեջ:

ԳԱՐԵԳԻՆ Բ ԿԱԹՈՂԻԿՈՍՆ ԸՆԴՈՒՆԵՅ ՆՈՒՆԳԱՐԻԱՅԻ ԴԵՄՊԱՆԻՆ

Մարտի 10-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Մայր Աթոռ Սուրբ
Էջմիածնում ընդունեց Հայաստանում Հունգարիայի նորանշանակ արքակարգ և լիազոր
դեսպան Ֆերենց Կոնպրային:

Վեհափառ Հայրապետը, ի դեմս դեսպանի, իր գոհունակությունը և գնահատանքը
հայտնեց Հունգարիայի իշխանություններին այն հոգաբար վերաբերմունքի համար, որ
դրսևորում են հանդեպ Հունգարիայի հայ համայնքը, որը հնարավորություն է ընձեռում ան-
խափան կերպով կազմակերպել ազգային-եկեղեցական կյանքը:

Նորանշանակ դեսպանը, շնորհակալություն հայտնելով ընդունելության համար, իր
հերթին անդրադարձավ այն կարևոր դերակատարությանը, որ հայ համայնքն ունի Հուն-
գարիայի քաղաքական և մշակութային կյանքում: Նա նշեց, որ «Հունգարիայում բնակվող
հայերը կարող են կամուրջ դառնալ մեր երկու երկրների միջև»:

Հանդիպման ժամանակ անդրադարձ եղավ փետրվարի 19-ին Բուդապեշտում Հայաս-
տանի զինված ուժերի սպա Գուրգեն Մարգարյանի սպանությանը: Ցավ հայտնելով Բու-
դապեշտում կատարվածի առնչությամբ՝ պրն դեսպանը հավաստիացրեց, որ ոճրագործն
ըստ օրենքի իր պարիժը կկրի Հունգարիայում:

Հանդիպման ավարտին պրն Կոնպրան նշեց, որ ըստ ամենայնի կնպաստի երկու ժողո-
վուրդների և պետությունների հարաբերությունների սերտացմանը և բարեկամության ամ-
րապնդմանը:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՅ ԲՈՒԼԱՐԻԱՅԻ ԱՐՏԱՔԻՆ ԳՈՐԾԵՐԻ ՆԱԽԱՐԱՐ, ԵԱՆԿ ԳՈՐԾՈՂ ՆԱԽԱԳԱՏ ՍՈՂՈՄՈՆ ՊԵՍՏԻՆ

Մարտի 17-ին Ն.Ս.Օ.Տ.Տ. Գարեգին Բ Ամենայն Հայոց Կաթողիկոսը Մայր Աթոռ Ս. Էջ-
միածնում ընդունեց Բուլղարիայի ԱԳ նախարար, ԵԱՏԿ գործող նախագահ Սողոմոն
Պասսիին:

Հանդիպման ընթացքում խոսվեց Հայ Եկեղեցու առաջ ծառացած խնդիրների, Արցախի
հիմնախնդրի բանակցային գործընթացի արդի վիճակի և փարածաշրջանում կայունության
ու խաղաղության պահպանման անհրաժեշտության մասին:

Այս առիթով Նորին Սրբությունը ԵԱՀԿ գործող նախագահին Կոնստանտինոպոլիսի Աթոքի Բ Պապի հրավերով Կոնստանտինոպոլիսի հանդիպումների մասին: Ամենայն Հայոց Հայրապետը նաև իր միաբնակությունը հայրենի Արարիկներին վերջերս հաճախակի հնչող ռազմական արտահայտությունների առնչությամբ:

Պրն Սողոմոն Պասսին շնորհակալություն հայտնեց Ամենայն Հայոց Հայրապետին ջերմ ընդունելության համար: Ընդգծելով, որ Եկեղեցին մեծ դեր ունի հակամարտությունների լուծման խնդրում ևս, Պասսին նշեց նաև Ամենայն Հայոց Հայրապետի ավանդյալ այս գործում: «Մեր միաբնակներն է, որ խնդրի միակ լուծումը բանակցություններն են: Եվ ինչպես ճիշտ նկատեց Ձերո Սրբությունը, Եկեղեցին կենսական դեր ունի հակամարտությունների լուծման հարցում: Մենք կարիք ունենք երկխոսության ոչ միայն այսօր, այլև ապագայում»,- նշեց ԵԱՀԿ գործող նախագահը:

Վեհափառ Հայրապետը գոհունակությամբ անդրադարձավ նաև 2002 թ. իր այցելությանը Բուլղարիա, ուր հանդիպումներ էր ունեցել Բուլղար Ուղղափառ Եկեղեցու գահակալ Մաքսիմ Պապի հարթի, պետական բարձրաստիճան այրերի, ինչպես նաև հայ համայնքի հետ:

Հանդիպմանը մասնակցում էին Մայր Աթոռի դիվանապետ Ս. Արշակ վրդ. Խաչատրյանը, ՀՀ-ում Բուլղարիայի գործերի ժամանակավոր հավասարադարար Սերգեյան Դիմիտրովը, Բուլղարիայի հայ համայնքի ներկայացուցիչներ:

Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՀԱՅՈՑ ԿԱԹՈՂԻԿՈՍ ԸՆԴՈՒՆԵՑ «ՎՆԵՇՏՈՐԳԲԱՆԿԻ» ՎԱՐՉՈՒԹՅԱՆ ՆԱԽԱԳԱՀ ԱՆԴՐԵՅ ԿՈՍՏԻՆԻՆ

Մարտի 25-ին Մայր Աթոռ Ս. Էջմիածնում Ն.Ս.Օ.Տ.Տ. Գարեգին Բ Ամենայն Հայոց Կաթողիկոսն ընդունեց Ռուսաստանի Դաշնության «Վենչուրգբանկի» վարչության նախագահ Անդրեյ Կոստինին, որը ժամանել է Հայաստան «Հայխնայբանկի» բաժնեգրման հսկիչ փաթեթի ձեռքբերման պայմանագրի ստորագրման առիթով: Պրն Կոստինին ուղեկցում էին ՀՀ-ում ՌԴ արտակարգ և լիազոր դեսպան Անատոլի Դրյուկովը, «Հայխնայբանկի» խորհրդի նախագահ Միխայիլ Բաղդասարովը, պարավիթության այլ անդամներ:

Ողջունելով հյուրերին՝ Ամենայն Հայոց Հայրապետն իր գոհունակությունը հայտնեց հայ-ռուսական փոխհարաբերության կայունության, առաջնությունը՝ նշելով, որ այն առավել պիտի սերտացնի երկու պետությունների հարաբերությունները և ամրապնդի հայ և ռուս ժողովուրդների բարեկամությունը:

Զրույցի ընթացքում արև Կոստինը շնորհակալություն հայտնեց ընդունելության համար: Հայցելով Վեհափառ Հայրապետի օրհնությունը՝ «Վենչուրգբանկի» վարչության նախագահը նաև հավաստիացրեց, որ այս գործարքը կնպաստի Հայաստանում կարևոր սոցիալական խնդիրների լուծմանը:

ՄԱՅՐ ԱԹՈՒ Ս. ԷԶՄԻԱԾՆԻ
ՏԵՂԵԿԱՏՎԱԿԱՆ ՀԱՄԱԿԱՐԳ